

DPN 6673

Title : विराग मार्ग (VIRĀGA MARGA)

Run. No. 7399

Cat. No.

Micro. No.

Subject दर्शन Philosophy

Religion : Hindu / Bauddha

Language : Skt. / New. / Nep. / Skt.- New. / Maith.- New. / New.- Nep. /

Size in cms. 10 x 31

Folios 24

Lines ( in a page )

Compl. / Incompl.

Chapt. / act /

Author / translator महाप्रज्ञाभिक्षु Maha Prajña

Bhikṣhu

Scribe / donor

Date: NS / SS / VS / KS 1994, 24 81 B. E.

Ruler / place

Script : New. / Dev. / Bhuj. / Ran. /

Illus. :

Material : palmleaf / paper / thyasaphu / Indian

Condition : fine / damaged by worms, rats, water /

Beginning, colophon, post-colophon :

Beg. शास्त्राच्च लोके जगते कुरुणावतारी / मोक्षाकारं नमः पथे गथे पूरार्चिन्नु ।


P.T.O.



col. इति विराग मार्ग - महाप्रज्ञां सारं द्रव्य संक्षिप्तं समाप्तम् शुभम् ॥

बुद्ध सम्बत २४८१, विष्णु १९९४ ।





विराग मार्ग

( महाप्रज्ञा सार द्रव्य )

नेमपाली भाषां प्रकाशित.



प्रज्ञाचैत्य महाविहार;  
त्रिपाई-कालिम्पोङ्ग;

बौद्ध सम्वत्—२४८१

वि०—१९९४,

लेखक वो प्रकाशक—

श्री महाप्रज्ञा भिक्षु,

हिमाल बौद्धधर्म प्रचार; कालिम्पोङ्ग;

॥१॥

(विराग मार्ग महाप्रज्ञा सार द्रव्य) ।

नमो बुद्धायः ।

नमो धर्मायः ।

नमो सद्भायः ।

नमो रत्नत्रयायः ।



शास्ता ध्व लोक जगते करुणावतारी । मोक्षाकार नभ पथे गथे पूर्णचन्द्र ॥ ज्ञाने व सागर समं फुक धर्मज्ञात  
। लोके व उत्तम मुनी शिर नं नमस्कार ॥१॥ सोपान अ-मल लोक त्रिदशालये या । संसार सागर समुत्तरणार्थ सेतु



॥२॥ ॥ सर्वांगतो भय विवर्जन जीगु मार्ग । नमो धर्मरत्न, बुद्धं लवीका विज्यागु ॥२॥ बीगू व अल्प जक जुसां प्रसन्न चित्तं  
। दैगू व रत्न नर यो फल मूल दानं ॥ दशबलं प्रशंसित गु गु पुण्य क्षत्र । चित्तं नमो उगु सदा गु गु भिक्षु सङ्घ ॥  
३॥ तेज्या बलं अति महान त्रिरत्न यागु । त्रिलोक या जन जुई गु गु लीं व मोक्ष ॥ त्रि-रत्न सम मेव मदु मोक्षदाता  
\* तस्मात् सदा भजन या रतनत्रयं भो ! ॥४॥ श्रेष्ठाकार परहितार्थ सु-भाव चित्त । करुणावतार गु ह्यथन उपदेश  
दाता ॥ यायोह्य बोध लोक हित गु ण रूप शास्ता । सदां महागुरु मुनि शिरसा नमामि ॥५॥ सत्तोपकार निरत  
कुशले सहाय । चित्ते प्रमाद रहितं सुखी शान्तरूपी ॥ दुर्लभ थुजाह्य गुरु जा गु ण रूप कान्ति । माला व लवीकि

॥३॥

जगते मदुगू मखू ह्मां ॥६॥ उत्तमगु धर्म शरणं सुखी सान्ति लोके । रत्नाति रत्न थ्व धर्म अतिकं महान ॥ धर्माचरण  
कर्तव्य नरया थ्व देहं । धर्मे जकं त्रिभव दुःख विनाश जीगू ॥७॥ मोहादि त्याग मन नं सुविचार यावो । अनित्य,  
दुःखादि अनात्म भाव ॥ प्रेमादि रति त्याग ठुके थ्व मोह । जीर्ण असार शरिरे अतिकं भयङ्कर ॥८॥ यांगू कन्हे  
इति धका समयादि नास्ति चित्तं थ्व ज्ञान खनका थन धर्म यांगु ॥ धर्मे मज्जीगु गु वलें, अलशी, अवीर्य । सुंहे  
थ्व लोक जगते मदु म्वांगु आशा ॥९॥ क्षिप्तो यथा-नभ पथे छुं किञ्चि वस्तु । भूमी हनं पतन उगु जीगू अवश्यं  
॥ लोके सदा मदु ध्रुव वने मा अवश्य । मरणार्थ हे थन सत्त्व जुल प्राणि जात ॥१०॥ कामं पतन जी नर यथा



॥४॥ पर्वतं च्वं । मध्ये मदू यत्किञ्चि भय तोरणार्थं ॥ त्रिलोक सत्त्व जुक्त अवश्यं तद्रूप । भोगे रत्यादि त्वलती मद  
मान आदि ॥११॥ सेधं यथा—जल-वृष्टि महान वर्षा । लोकं तथा—जुइ अन्त महा भयङ्कर ॥ कालं नया च्वनअहो !!  
स्वव ध्यान याना । चिंचिमचि-दन शखे ! स्वव लोक-धर्म ॥१२॥ तीरे व सागर सिथे व तरङ्ग माला । पर्वतसमं वइ  
हनं पुनःनाश भ्रष्ट ॥ तथा--भयं व्याप्त थ्व लोक-धर्म । वैगू हनं पुनःनाश जुया वनीगु ॥१३॥ जीर्णादि रोग सहचर  
सशैव्य मार । निर्वाध्य भीम बलवान् मरणान्तकाले ॥ वृषभं यथा—क्षत्र यायीगु मन्थन् । तद्रूप यागु व मृत्युं  
दक लोकफुकं ॥१४॥ समुज्ज्वल प्रदीप अन महा वायु द्वारा । यागू विनाश सदृशं यम काल भीमं ॥ सत्त्वे महा भय

॥५॥

थन वल लित्तु-लोना । जोना नयाव यमनं थन प्राणिआयु ॥१५॥ रामार्जुन नृपति गु लि युक्त शक्ति । दैत्यादि  
रण मुखे जुल मूर-वीर ॥ इन्द्रादि देव दक-फुकं अति भीम जूसां । अन्ते व काल या हस्तं मफु मुक्त जीगु ॥१६॥  
लक्ष्मी हनं गृह, क्षत्र, वस्त्रादि मुक्ता । सम्पत्ति राज्य अनगिन्ति अपि रूप शोभा । इष्टादि मित्र सहितं थव पुत्र-  
दारा । सुनं मदु अनुचर मरणान्तकाले ॥१७॥ ब्रह्मा सुरासुर गणा महानुभावा । गन्धर्व किन्नर महोरग राक्षसादि ॥  
अपीं सुधां सकल काल यागु हस्ते । जीवो उथां क्षय आयु यम या अहोर ॥१८॥ रोगी निरोगी थन युवा व बृद्धा  
। बालख धका मदु दया मृत्युराज पापी ॥ यथा--वने वन अग्नि फुक ध्वंशकार । तथा—थ्व लोक नल ह्वां खनला ?



॥६॥ थव कालं ॥१६॥ सागर कदापि जुइ मखु लखं गागु भाव । अग्नि मधा गात धका, न्ह्याक काष्ट दूसां ॥ भो निर्देई  
यमराज ! नल छं त्रिलोक । एनं मजा बिकट-कोष थव छंगु प्वाथ ॥२०॥ भो मोह मोहित नर ! गुलि आलसी पीं  
। भीमाति भीम बलवान्, काल यागु हरते ॥ चञ्चल् चपल् स्वप्न, सम लोक मीयां । यागु सुखैगु ललसा, गुलि  
मूर्ख दृष्टि ॥२१॥ मात्रेक मृत्यु, अभिमन्थक न्हें त्रिलोक । छीं हां थव मोहनस युक्त मरणानुयायी ॥ स्वप्ना समान  
सकतां, स्वप्न ज्ञान चक्षु । दैगू मखू थन सुनं, उपकार दाता ॥२२॥ नित्यातुरं सुपीडित, स-भय स-शोक । व्याधि  
जरा मरण या, भय ज्वीगु प्रायः ॥ खड्का सुनं भय मका, गुलि अन्धभूत । ध्यानं सदा मन-मिसां, स्वयं माल ज्ञानं

॥७॥

॥२३॥ कालं सदा थुगु लोक, जुयकाव बृद्धा । लोक त्रय विनाशार्थ, मचागूव ठाकू ॥ चा ह्नि मधा थन सधां,  
वल काल व्वां व्वां । सो सो लिफः थव खँ न्यना, थन काल वोगु ॥२४॥





॥८॥

मरणानुस्मृति—

यांगू विचार मरण-मार विवर्जनार्थ । लोके सदा थ्व सकल सत्व, मरणं अवश्यं ॥ चित्ते सदा थुगु कथं,  
गुह्य जी विचारी । तृष्णा वनी क्षय जुया, फुक हे अशेष ॥२५॥

शरीरे असार ता—

प्रेमीगु काय क्रमशः, जरां जीर्ण यात । रोगं थ्व काय बल फुक, झ्वत वं सुकावो ॥ नाना प्रकार जतनं  
तयागु स्व काय । श्यंकै वया उह्य काल, लिमला फलानं ॥२६॥ कर्म सदा थ्व शरीर, पुतुमुत्तुप्चीका । नानाप्रकार

॥९॥

हलनं वड रोग न्ह्याना ॥भो भो शखे ! सकसिनं त्वलति प्रमाद । दुःगोदयं सुख मदु नरया प्रमादं ॥२७॥ भोगादि  
सुत बान्धव थन पुत्र दारा । क्षत्रादि वस्तु हकनं फुक थःगु धाकं ॥ सर्वाभिरति आदि, मखूपकारी । मात्रेक  
पुण्य बल हे, सुख शान्ति दाता ॥२८॥ चञ्चल् चपल् विजुली सम लोक-धर्म । संसार सागर विचे, थुगु काय द्वाङ्गा  
॥ वोयो पूर्वकृत फसं क्याव पुयकै । तस्मात् थ्व ज्ञान-चतनं, भिनकं विचाया ॥२९॥ सदां थ्व काय विभङ्ग  
सम मृति भाण्ड । सम्भाल न्ह्याक दतसां, जुइगू विनाश ॥ सो सो ! थ्व काय थनहे, जुइ योगु नाश । सीकाव  
त्याग मननं, धर्मे हुँ शरण ॥३०॥ प्रेमं सु-युक्तगु देव, रमणीय स्वर्गे । फवीवं व पुण्य सुख द, च्युत जीगु हानं



॥१०॥

॥ देवादि नर लोक, फुकहे तद्रूप । प्रज्ञा दुम्हं व सुखैत, दुःख मात्र भापी ॥३१॥ रूपे थ्व लोक जननं, प्रिय भाव याना । नारी स्व-प्राण समनं च्वनगू थ्व लोक ॥ आशक्त मोह स दुना, जुवगू प्रमादं । भो मोह-मोहित नर भवराग प्रेमी ॥३२॥ अन्ते थ्व प्रेम लुमना, नरदेह तोतै । प्रेमं चिना हितुहिना, कुटुंकैगु नर्के ॥ दुःखाति दुःख अतिकं दुःख भोग यायी । कां तं ह्म दुःखि या मने, जुइथें तद्रूप ॥३३॥ उत्तम-लोह मनुष्यं, ज्वनेगू मने ज्जी । सर्पादि विष युक्त मरणान्तकारी ॥ कांगू व शक्ति दुगु ज्जी, नरं प्रेम याना । ज्ञानीं थ्व दुःख शरिरे, मफु प्रेमयांगू ॥३४॥ मृत्यु समं भय अन्य मदु प्राणिपितः । व्याधी समं सकलैत मदु अन्य दुःख ॥ जरा समं सत्रु मदु

॥११॥

व विरूप दाता । एनं थ्व लोक जनपी, मन मोह जूगू ॥३५॥ स्वाधीन मदु शरीर, अनाधीन्, असार । त्यक्त वृत्त कदली व सम ज्जीगु काय ॥ यानागु पोषण बलं, थुगु काय यातः । एनं अधोर मदुगु, मरणान्तकाले ॥३६॥ पीजा या सदृशं, थुगु पञ्च तत्त्व । सपैगु 'गः' सम थुके, च्वनगू व काल ॥ जीर्णं महा भय प्रद, थुगु हे स्व काय । सोया खना खुसि भाव, जुइह्म सुज्ञानी ॥३७॥ आयु क्षयं फुत थ्व काय क्षणे क्षणे सं । वोगू व काल सतिना स्वव ज्ञान दृष्टि ॥ थ्यनला छुखें मस्यु शखे ! थ्व चिन्तनीय । हाला ख्वयां न त्वलतै, थन अन्तकाले ॥३८॥ प्राणान्त जूह्म नर या व दीर्घायु आशा । दीर्घायु जूह्म नर या, जुइ जीर्ण या भे ॥ एवं तथा निरुत्थरनं, जुइ दुःख मात्र



॥१२॥ ॥३६॥ दुःखाग्नि या प्रबलतां, परि पीड़ जूषीं । लोके थ्व सत्व अतिकं, प्रज्वलीत जूगु ॥ किंचापि हे कुशल-  
कर्म मयागु निमित्त । भो लोक ! आः खुनु दना कुशले रते जु ॥४०॥ तणाग्र या जल बिन्दु सम महानु भोग ।  
दुःखाल्प सागर नीर सम सर्व लोके ॥ संकल्पना तदपि जीगु सुखाति चित्ते । दुःखाति दुःख अतिकं, मस्य  
प्राणि पीसं ॥४१॥ स्वीगुं थ्व काय पर लोक स वैगु नास्ति । एनं थ्व मूर्ख जन नं, तथा जूगु स्नेह ॥ काये सदां  
मल पूर्ण, घृणा युक्त लोके । तथापि भो नर लोक, शरीरार्थ दुःख ॥४२॥ देहे सु-भाव रहितं, जुल भूठ संज्ञा ।  
ममता यथा-नमपथे विजुली समानं ॥ तोता प्रमाद सकसिनं, जुव भावना स । जीगु क्षयाश्रव वहे अनात्म

॥१३॥

भाव ॥४३॥ लालादि रक्त विष्टाश्रु वसानुलिप्त । एवं थ्व देह लोके, अतिकं असार ॥ चाण्डाल या घट समं,  
अशुचीं पुरागु । रक्षा व यागु नर नं, निन्दनीय काय ॥४४॥ प्यंगू व सागर लखं, थुगु काय श्यूसां । पर्वत्  
प्रमाण अपालं सुगन्धं व बूसां ॥ तथापि काय गुबलें शुचि जी मखूगु । रक्षा छु यांगु गुण छु ? , मल युक्त काये  
॥४५॥ देहे व हे बध-बन्धनगु रोग शोकं । देहे व हे नव-द्वार परिभिन्न गन्ध ॥ देहे व हे विविधा शुचिगु वस्तु  
पूर्ण । देहे मदु निर्भयगु, फुक दुःख-दायी ॥४६॥ विष्टा व मुत्र दुगु थें, बहिर्दर्श जूसा । माता पिता सकसिनं  
त्वलतीगु माया ॥ पुत्रादि दार सकलें तथा भाव यायी । घृणां अ-प्रेम जुइगु, जगते थ्व काय ॥४७॥ देहे दुगु



॥१४॥

नद-द्वार, कृमि यागु ब्र्येस । मांसाष्टि श्वेद रुधिरं, अतिकं दुर्गन्ध ॥ प्रेमं सदा सु-पोषित, कृत काय देह ।  
कालं वया खुशिमनं, अहो ! साक नैगु ॥४८॥ गण्डोपमा विविध-रोग निवास भूत । काये सदा रुधिर मुत्र विष्टां  
श्व पूर्ण । ज्वीगु प्रमोह नरया, श्व शृगाल भक्षे । इच्छा जुई पुनः पुनः भव जन्म ज्वीगु ॥४९॥ भो ! फेन उपमा,  
थुगु सार हीन । विष्टा समं थुगु सदा प्रतिकूल गन्ध ॥ सर्पोपमा थुगु काय, दुःख वो भयादिं । श्व देह सदा  
लवण-घट थें व भग्न ॥५०॥ दुर्गन्ध, रोग, स-मलं, परिपूर्ण हानं । जरा, मृत्यु-विष पूर्ण, गुण नास्ति काय ॥  
भो लोक ! तुच्छगु काय, कु शोभनीय ? देहे विदर्शन-ज्ञान सु-विरागर्ग ॥५१॥ अनित्य, दुःख, असार, अशु-


॥१५॥

भादि काय । सदां मदु श्व शरीर, गुलि यांगु स्नेह ॥ अल्पाति अल्प रति मात्र, सु-सार नास्ति । धर्मे सदा  
स्मृति तया, करणीय कार्य ॥५२॥ माया-मरीचि सम जुल, पुनः फेन-काय । सदां श्व थीर मखु ह्मां, हितु जक  
ह्यूगू ॥ स्कन्धादि पञ्च व, षडेन्द्रिय सार हीन । खंका सदा श्व नुगलं, जुव मुक्त लोक ॥५३॥ कर्मे सदा परि-  
वेष्टित व दुःख भोगी । चित्तं श्व लोक प्रबलं, परिग्राह धारी ॥ तोते मखू गन तक, ज्वना तःगु चित्तं । कदापि  
सुख सी धांगु मदु न्हे श्व आशा ॥५४॥ मूर्खे यथा-श्व शरीर, सम फेन पात्रे । चित्तं मरीचि (जल) पान व  
यांगु इच्छा ॥ भो भो ! मरीचि जल मखूगु, ज्ञान सीकि । केवल व मूर्य उष्णं खनगू मरीचि ॥५५॥ थःहे थुके



॥१६॥

ध्व शरिरे, दुग्, धांगु नास्ति । थःमं विकल्पित रूप, गथे धांगु आस्ति ॥ 'जिगू' ध्व काय जुलसा, मयोथे  
मज्जीगु । तथा अरूप मननं, मदु थःगु यथे ॥५६॥



॥१७॥

प्रत्युत्समुत्पाद—

चतुं हे धुं मखन सा, मदु रूप धांगु । श्रोतादि इन्द्रिय तथा—विन नास्ति शब्द ॥ चक्ष्वादि इन्द्रिय  
तथा—रूपादि विषय । संयोग हेतु निमित्त ध्व, जुल चित्त जात ॥५७॥ रूपैगु हेतु ध्व हे चतु, शब्दैगु श्रोत  
। गन्धैगु हेतु ध्व हे घ्राण, रसैगु जिह्वा ॥ सीतोष्ण, स्थूल व सूक्ष्म, थुलि यागु हेतु । बाह्ये अभ्यन्तर शरीर  
जुल काय लोके ॥५८॥ इन्द्रियादि पञ्च दुग् हेतु, रूपादि पञ्च । स्पृगू ध्व हेतु इत्यादि, उभयैगु योगं ॥  
गतागतैगु हेतु, ध्व हे मनयागु तत्त्व । पञ्चेन्द्रियादि हे हेतु, गत यागु स्मृति ॥५९॥ अनागतैगु न हेतु,



॥१८॥

तथा-भाव सीकि । त्रि-हेतु यागु प्रभाव जुल मूल लोके ॥ थ्व हे परस्पर हेतुं, जुल लोक वृद्धि । प्रज्ञा विना थुगु हेतु, ज्ञान धैगु नास्ति ॥६०॥ हेतुं विना दइमखु, दक फुक लोक । था सा विना मदु शब्द, यथा--व्याग्गु वाद्य ॥ संस्कार या हेतु मूल, जुल ह्नां अविद्या । उत्पत्तिष्ठिति जुयाव, पुनः नाश ज्वीगु ॥६१॥ (१) सत्त्वे त्रिकाय कार्यस मदु ज्ञान स्मृति । (२) यानागु कार्य लुकिया निम्तेगु चित्त ॥ रागं ला, द्वेषं ला, अथवा व मोहं ? । थ्व नं मदू अन ज्ञान, कार्येगु समये ॥६२॥ (३) मागु हनं सु-विचार, थनयागु मूल । तत्कर्म यागु फल रूप थ्व नं मस्यूगु ॥ थ्व हे त्रि-दोष दुगु यात, धागु अविद्या । अविद्यान्धकारं थुगु लोक दुःखी ॥६३॥

॥१९॥

थुजागु ज्ञान रहितं, जुल पुण्य पाप । अज्ञान वश् कृत कर्म, गुण शक्ति नास्ति ॥ यथा-मार्ग गामि नरया, मदु स्मृति पादे । देपा व जौगु चलने, गथे स्मृति नास्ति ॥६४॥ दुःखादि सुख ज्वीगु, नर नारि पित्त । संस्कार धागु जुल ह्नां, थुगु ज्ञान देकि ॥ संस्कार यागु प्रबलं, च्वने मागु गर्भे । गर्भे च्वनागु निम्ति थ्व दत्त 'नाम रूप ॥६५॥ सीका व च्वंगु मननं, गुगुखः व 'रूप' । रूपैत स्यूगु गुगुखः, उगु धागु 'नाम' । निगू थ्व गुगुखः दुगु, थुके यागु हेतुं । नेत्रादि इन्द्रिय खुता, दुगु ह्नां स्वभावं ॥६६॥ नेत्रादि इन्द्रिय दुगु, नर यागु देहे । रूपादि षड विषय, जुवगु व स्पर्श ॥ नेत्रं रूप खन, तथा-शब्द तागु श्रोतं ।



॥२०॥

तद्रूप षडेन्द्रिय सह, जुल योग स्पर्श ॥३७॥ इन्द्रियादि विषयया, यदा स्पर्श जीगु । स्पर्शेगु कारण जुया  
सुख, दुःख, पेत्ता ॥ सुखादि दुःख उपेत्त, जुल वेदना थ्व । वेदनानुभव जुया, दन कृष्ण-तृष्णा ॥६८॥  
तृष्णा यागु प्रबल तां, उपादान जूगु । उपादान धेगु थ्वहे, लुमना च्वनीगु ॥ लुमना च्वनीगु मन हे, भव  
जाल धागु । रूपादि शब्द व गन्ध, रस, स्पर्श, धर्म ॥६९॥ लुमनी विषय खुतां, छता न्यागु जूसां ।  
थ्वहे धागु, भवजाल, मन यागु ग्रन्थि ॥ साला यना पुनर्जन्म, अतिकं प्रदाता । थ्वहे उपादान शखे!  
अतिकं भयङ्कर ॥७०॥ थ्वहे उपादान हेतु, पुनर्जन्म जूगु । जन्म जरा, मरण, सुख दुःख ना ना ॥ षडेन्द्रि

॥२१॥

यादि विषयं, पुनः जी अविद्या । संस्कार जी पुनः पुनः, उपरोक्त भावं ॥७१॥ जन्मेगु यदि नास्ति जी  
अन दुःख शान्त । आःमागु छु? थुके यात, उपकार युक्ति ॥ स्मृत्युपस्थान बलनं, जुई प्राप्त विद्या ।  
विद्या दया वइगुलीं, फुइगु अविद्या ॥७२॥ किम्बा मने स्मृति तया, उपादान खंका ॥ त्रिलक्षण धागु,  
शस्त्र, ज्वना युद्ध यांगु ॥ अनित्य, दुःख, थ्व लोक, मदुगु स्वयत्थे । थ्वहे ज्ञान त्रिलक्षण 'ह्मां' विरिन्नेगु  
॥७३॥ अविद्या, उपादान, थ्व निगू मूल हेत्वी । हेतु छता, थुगु नित्तां, छता नाश च्चीव ॥ बाकीगु हेतु  
दक-फुक, विनाश जीगु । थ्वहे उपाय जन्मेगु विनाश कर्ता ॥७४॥ अविद्या 'पिता' जुल भो! व तृष्णागु



॥२२॥

‘माता’ । तदुभयं जुल जात, उपादान ‘पुत्र’ ॥ थ्व हे मूल लोके जुल, मूल जन्म दाता । फुका थ्वपीं छ्वय  
फुसा, जुइ मुक्त प्राप्त ॥७५॥ योंगु थ्व हे आचरण, गुरु बुद्ध वाक्य । सप्ततिंस बोधिपत्त, निर्वाण दाता ॥  
तोति शखे! भवजाल, थ्व महा कलङ्क । माला हिला दुःख सिया, स्वत सा थ्व दैगु ॥७६॥ पीजा समान थ्व  
काय, अतिकं असार । स-हेतु मरीचि सम, सियका ‘विज्ञान’ ॥ तल्लैगु हेतु जक धका, थुइका स्व काय ।  
विश्वास नाश जुयव, मखु इन्द्रजाल ॥७७॥ धर्मे सदा निरतपीं, महा साधु ज्ञानी । धर्मे थ्व हे प्रणिधिन,  
शुभ कर्मयांगु ॥ चित्ते सदा स्मृति तेगु, थो विरान मार्गे । आरोहणे क्रमशः ‘ह्रां’, बल वीर्य योंगु ॥७८॥

॥२३॥

सदाप्रवर्द्धितं अन, गुलि दुःख श्युगु । आनं महा दुर्लभगु, थ्व हे ज्ञान धागु ॥ माला हिला दुःख सिया,  
कयागु थ्व ज्ञान । चोया अहो-रात्र थुगु विरान मार्ग ॥७९॥ अमृत ज्ञान थुगु धका, हितार्थ लोक । सीका ज्वनी  
सिल धासा, भव तारनार्थ ॥ भापा मन तया, सकलैगु निम्ति । मयांगु गुप्त जगते, थ्व ज्ञान-रत्न ॥८०॥ गयां  
बोधि मूले, थुगु महा ज्ञान खंका । जुया विज्यात अन हे, नरसिंह-बुद्ध ॥ लोके थ्व ज्ञान जुल लोप, सुबोधिरत्न  
। आः प्राप्त जुल वल्ल वल्ल, महा सुयोग ॥८१॥ ध्याने च्वना मन तया, स्मृति ज्ञान-नेत्रं । स्वेगु शखे! सकसिनं  
थ्व विरान मार्गे ॥ खं सा अवश्य खँक सें, सत्य-धर्म सियका । निर्वाण मार्गे प्रबल जी चित्त तत्व ॥८२॥



॥२४॥

पाथ्यांगु मन तयी गुह्यसें थ्व पाथे । मुक्तेगु बीज अवश्यं, उह्य यात देगु ॥ बुद्धं प्रशंसित ज्ञान, थ्व हे मूल  
तत्त्व । मोत्रि भाषानुलेखक— महाप्रज्ञा भिक्षु ॥८३॥

इति विराग मार्ग = महाप्रज्ञा सार द्रव्य संक्षिप्त समाप्तम् शुभम् ॥ सर्व मङ्गलं भवन्तु ते ।  
बुद्ध सम्वत्—२४८१ ; विक्रम सम्वत्—१६६४ साल स । प्रज्ञा चैत्यमहाविहार, त्रिपाई कालिम्पोङ्ग स  
हिमालय बौद्ध धर्म प्रचारक —

योगावचर श्री महाप्रज्ञा भिक्षु द्वारा प्रकाशित जुल ॥